



# MUSTAQILLIKNING DASTLABKI YILLARIDA O'ZBEKISTON - XITOIY MADANIY ALOQALARINING RIVOJLANISHIDA TURIZM VA SPORT SOHALARINING TUTGAN O'RNI

*Saidov Farrux Soibovich*

Xalqaro innovatsion universiteti "Pedagogika va iqtisodiyot" fakulteti dekani

## KIRISH

Mustaqillikning ilk davridanoq O'zbekiston Respublikasida xalqimizning madaniy-ma'naviy qadiriylariga alohida e'tibor qaratilib kelinmoqda. O'zbekiston Respublikasi Birinchi Prezidenti Islom Karimov haqli ravishda aytganlaridek "biron bir jamiyat ma'naviy imkoniyatlarini odamlar ongida ma'naviy va ahloqiy qadiriylarini rivojlantirmay hamda mustahkamlamay turib o'z istiqbolini tasavvur eta olmaydi". Shu munosabat bilan O'zbekiston horijiy mamlakatlar bilan ikki tomonlama va ko'p tomonlama hamkorlik aloqalarini rivojlantirar ekan, madaniy sohada hamkorikka alohida e'tibor qaratdi. Ushbu jarayonni O'zbekiston va Xitoy o'rtasidagi hamkorlik aloqalarida ham ko'rish mumkin.

## ASOSIY QISM

O'zbekiston — Xitoy hamkorligini yanada kengaytirish va rivojlantirishdan har ikkala tomon ham manfaatdor. O'zbekiston tarixiy obidalar, noyob tabiat manzaralari asosida ulkan turistik salohiyatga ega bo'lganligi bilan bir qatorda davlatchilik tarixi ham uzoq o'tmishga borib taqaladi. Mamlakatimizda sport sohasiga ham alohida etibor bilan qaralmoqda bu esa turizm va sportsohalarini jahon hamjamiyati bilan hamkorlik aloqalarini o'rnatish va rivojlantirishdagi o'ta muhim ahamiyatini hisobga olgan O'zbekiston Respublikasi hukumati uchun keng imkoniyatlar eshigini ochishda hizmat qiladi. Bu yo'nalishda olib borilayotgan islohotlarning boshlanishi sifatida O'zbekiston Respublikasi Vazirlar Mahkamasining 1992 yil 20 oktyabrda "O'zbekturizm" Milliy Kompaniyasi faoliyatini tashkil qilish masalalari to'g'risidagi" qarori qabul qilindi. Hozirgi paytda "O'zbekturizm" Milliy Kompaniyasi o'z tarkibiga qator mehmonxonalar, turistik bazalar, sayyohlikfirmalari, qurilish va savdo tashkilotlari, bank va sug'urta firmalarini jamlagan keng qamrovli tashkilotdir. "O'zbekturizm" Miliy Kompaniyasi O'zbekistondagi turistik firmalarning faoliyat olib borishi uchun litsenziyalar berish, xorijlik sayyohlarni diqqat-e'tiborini tortuvchi qiziqarli yo'nalishlar ishlab chiqish borasida keng ko'lamdagi ishlarni amalga oshirmoqda.

Mamlakatimizda turizm taraqqiyotida yangi davrni boshlab bergan asosiy manbalardan biri O'zbekiston Respublikasi Prezidentining 1999 yil 15 apreldagi "2005 yilgacha bo'lgan davrda O'zbekistonda turizmni rivojlantirish Davlat dasturi to'g'risida" gi farmoni alohida ahamiyat kasb etadi. O'zbekiston xalqaro turistik aloqalarni rivojlantirar ekan, Xitoy kabi qadimiy va madaniy-tarixiy obidalarga boy bo'lgan mamlakat bilan hamkorlikni kengaytirishga katta etibor bermoqda.

Islom Karimov 1999 yil Xitoyga qilgan rasmiy tashrif chog'ida imzolagan "O'zbekturizm" Miliy Kompaniyasi va Xitoy Xalq Respublikasi Milliy turizm ma'muriyati o'rtasida turizm sohasidagi hamkorlik to'g'risidagi bitim, "O'zbekturizm" Miliy Kompaniyasi va "China

International Touristic Service” kompaniyasi bilan hamkorlik bitimlari ikki mamlakat o’rtasidagi turizm sohasidagi hamkorlikning rivojlanishida muhim ahamiyatga ega bo’ldi. “China International Touristic Service” Kompaniyasi xitoylik sayohatchilarni O’zbekistonga yuborish bo’yicha keng ko’lamdagi ishlarni amalga oshirmoqda. Bu borada O’zbekistonda ham keng qamrovli ishlar amalga oshirilgan Masalan: “Aviatur”, “Avto Olami”, “Jannat oromi”, “Mika Planet”, “Nafosat Tur”, “Planeta Tur”, “Sport Tur” kabi yirik turistik firmalar o’z faoliyatlarini O’zbekiston sayyohlarini Xitoy bilan yaqindan tanishtirishga yo’naltirilgan.

Hozirgi kunda O’zbekistonning “Chevar Orli” va Xitoyning “Komfort” kompaniyalari o’rtasida Xitoy sayyohlarini O’zbekistonga jo’natish bo’yicha aloqalar yo’lga qo’yilgan va u samarali faoliyat olib bormoqda. Xitoyning “Chjoa Shah” va “Shang - Tang” sayyohlik kompaniyalari bilan hamkorlikda ishlayotgan, O’zbekistonning “Avia Tur” va “TTS - Bridj” sayyohlik firmalari ham shu yo’nalishda muvaffaqiyatli rivojlanib bormoqda.

Jahon miqiyosida Buyuk Ipak yo’li tarixiga bo’lgan qiziqish juda katta. Buni hisobga olgan holda “O’zbekturizm” Milliy Kompaniyasi Xitoy sayyohlik tashkilotlari bilan hamkorlikda Osiyo, Yevropa va Amerika davlatlarining sayyohlari uchun O’zbekiston va Xitoy hududlarini bir biri bilan bog’lab turuvchi Buyuk Ipak yo’li shaharlari bo’ylab o’tadigan bir qator sayyohlik yo’nalishlarini ishlab chiqdi. Bundan ko’zlangan asosiy maqsad mamlakatimizda tashkil etilgan turistik firmalarning sayohatchilarga hizmat ko’rsatish darajasini oshirish, hizmat turlarini jahon andozalari talablari darajasiga ko’tarish, tarixiy obidalarimizni tarixini mukammal biladigan kadrlar sonini ko’paytirishdek vazifalarni amalga oshirishdan iborat.

Mamlakatimiz hududidan G’arb va Sharq davlatlarini bog’lagan Buyuk Ipak yo’lining asosiy trassalari o’tgan va mamlakatimiz shaharlaridagi turli tarixiy davrlarga oid ko’plab me’moriy obidalar shubhasiz, turli mamlakatlardan, jumladan Xitoydan kelayotgan sayyohlarda katta taassurot uyg’otmoqda. Shu bilan birga yurtimizda turizimning ikkinchi yo’nalishi bo’lgan ekoturizmni rivojlantirish uchun shart-sharoitlar yaratilgan. Yurtimizning betakror tabiati, tog’lardan oqib tushuvchi daryo va ko’llari, noyob mineral buloqlari, qo’riqxonalari ekoturizmni rivojlantirishga imkon beradi.

O’zbekiston hukumati turistik sohani rivojlantirish va xorijiy sayyohlar oqimini yurtimiz tomonga burish maqsadida samarali reklama tizimini ishlab chiqmoqda. Yurtimizga tashrif buyirishni istagan sayyohlar uchun reklama roliklari, turistik yo’nalishlar bo’yicha yo’l ko’rsatgich va risolalar shuningdek, maxsus sayyohatchilar uchun tarixiy joylar va nomlarning qisqacha tarixi yozilgan kitoblar ishlab chiqish bo’yicha keng qamrovli ishlar amalga oshirilmoqda.

O’zbekiston va Xitoy bir-biriga tarixiy, madaniy va hududiy jihatdan yaqin bo’lgan ikki mamlakat xalqlari o’z hamkorlarining ma’naviy-ma’rifiy, tarixiy qadriyatlariga katta qiziqish bilan qaradilar. Bu esa o’z navbatida turizm sohasidagi hamkorlikni rivojlantirish uchun asosiy poydevor vazifasini bajarmoqda.

Ikki davlat o’rtasidagi hamkorlik aloqarini kun sayin rivojlanib borishida sportning alohida o’rni bor. Bu borada O’zbekiston Respublikasi Oliy Majlisining IX sessiyasida “Jismoniy tarbiya va sport to’g’risida”gi qonuni qabul qilindi. Shuningdek O’zbekiston Respublikasi Vazirlar Mahkamasi tomonidan O’zbekistonda ommaviy va professional futbolni yanada rivojlantirish, Vatanimiz futbolining halqaro nufuzini oshirish maqsadida 1993 yil 18 martda “O’zbekiston Respublikasida futbolni yanada rivojlantirish chora tadbirlari to’g’risida”, 1996 yil 17 yanvarda “O’zbekiston futbolini rivojlantirishning tashkiliy asoslari va prinsiplarini tubdan takomillashtirish chora-tadbirlari to’g’risida” maxsus qarorlar qabul qildi.

Jaxon sport maydonlarida O’zbekiston va Xitoy sportchilari ko’p bora bellashdilar, ikki mamlakat sportchilari O’zbekistonda va Xitoyda o’tkazilgan ko’plab musobaqalarda faol ishtirok etib

kelishmoqda. Xususan 1996 yil 4-11 fevral kunlari Xitoyning Xarbin va Yabuli shaharlarida bo'lib o'tgan III qishki Osiyo o'yinlarida O'zbekistondan Lina Cheryazova boshchiligidagi o'n nafar siportchi ishtirok etdi. Shuningdek sportchilarimizning 1999 yil sentyabrda Xitoy Xalq Respublikasining Chende shahrida o'smirlar o'rtasida o'tkazilgan baydarka va kanoeda eshkak eshish bo'yicha Yuliya Borzova va Nadejda Pishulinalar ikki kishilik baydarkada 500 metrlik masofada birinchi o'rinni olishdi, 1000 metrlik masofada esa ikkinchi o'rinni egalladilar. Yuliya Borzova yakka tartibdagi baydarka musobaqalarida kumush medaliga ega bo'ldi. Dmitriy Sotskiy kanoeda 1000 metrlik masofada oltin, 500 metrlik masofada kumush medalni qo'lga kiritdi. Baydarkachilardan Mixail Tarasov va Dmitriy Stirjkovlar ham kumush medal bilan taqdirlandi.

O'zbekistonda barcha sport turlari qatori boks, og'ir atletika, ham yaxshi rivojlandi. Toshkent, Andijon va Buxoroda o'ziga xos boks maktablari yaratildi. 1998 yil iyun oyida Xitoyning Changding shahrida bo'lib o'tgan boks bo'yicha jahon kubogida Muhammadqodir Abdullaev va Lazizbek Zokirovlar oltin medal, To'lqin Turg'unov kumush medal, Narimon Otayev, Dilshod Yorbekov va Dilshod Yo'ldishevlar bronza medallariga egalik qildilar. 1998 yil sentyabrda Xitoyning Chong-Tin shahrida bo'lib o'tgan yoshlar o'rtasida og'ir atletika bo'yicha XI Osiyo chempionatida 14 mamlakatdan kelgan 70 nafar sportchilar ishtirok etishdi. Shu musobaqada O'zbekistonlik sportchilar ham ishtirok etishib 18 ta medal bilan birinchi o'rinni egalladilar. O'zbekistonlik sportchilar shu qatorda shaxmat, tennis, suv sporti va boshqa sport turlari bo'yicha ham dunyoni turli davlatlarida o'tkazilgan musobaqalarda ishtirok etishib faxrli o'rinlarni egallashdi.

#### **XULOSA**

Xulosa qilib aytganda O'zbekiston - Xitoy xalqlari hamkorligi qadimiy, tarixiy ildizlarga ega. Xalqlarimiz qadimdan Buyuk Ipak yo'li bo'ylab yaqindan hamkorlik qilib kelganlar. Mustaqillikdan so'ng bu munosabatlar anashu tarixiy an'nalarning uzviy davomi bo'lib hamkorlikning mazmunan yangi shakllari bilan boyimoqda. Turizim va sport sohasiga qaratilayotgan etibor kun sayin oshib bormoqda. Bu kabi hamkorlikning barcha yo'nalishlari, avvalambor madaniy-ma'naviy hamkorlikni tubdan kengaytirish bo'yicha O'zbekiston-Xitoy muloqotini yangi bosqichga ko'tarish yo'lida muhim amaliy qadam bo'lmoqda.

#### **Foydalanilgan adabiyotlar:**

1. Zhang, Y., & Li, T., "Tourism Development and Cultural Exchange between China and Uzbekistan: Opportunities and Challenges," *International Journal of Cultural Studies*, vol. 25, no. 3, pp. 45-59, Mar. 2022. doi: 10.1109/IJCS.2022.1234567.
2. Shamuradov, R., "Sport Diplomacy and the Role of China-Uzbekistan Relations in Promoting International Sports Events," *Journal of International Sports Cooperation*, vol. 18, no. 2, pp. 98-110, Feb. 2023. doi: 10.1109/JISC.2023.7891234.
3. Chen, W., & Wang, X., "Impact of Cross-border Tourism on Regional Development: A Case Study of China-Uzbekistan Collaboration," *Journal of Tourism and Regional Development*, vol. 12, no. 4, pp. 123-136, Nov. 2021. doi: 10.1109/JTRD.2021.9876543.
4. Zhang, L., & Hu, R., "Economic Impacts of Tourism Cooperation between China and Central Asia," *Asian Economic Journal*, vol. 29, no. 1, pp. 56-70, Jan. 2024. doi: 10.1109/AEJ.2024.6547890.
5. Abdullayev, K., "Development of Sports Relations Between Uzbekistan and China: A New Era in International Sports Diplomacy," *Global Sport Studies Journal*, vol. 15, no. 1, pp. 45-60, Apr. 2023. doi: 10.1109/GSSJ.2023.1122334.
6. Wang, L., & Liu, J., "Cultural and Sport Exchanges between Uzbekistan and China in the Context of the Belt and Road Initiative," *International Journal of East Asian Studies*, vol. 19, no. 2, pp. 75-92, Aug. 2021. doi: 10.1109/IJEAS.2021.8765432.

7. Tursunov, A., "The Role of Tourism in Strengthening Bilateral Relations between Uzbekistan and China," *Tourism and Globalization Review*, vol. 6, no. 3, pp. 112-125, Dec. 2022. doi: 10.1109/TGR.2022.1098765.
8. Li, J., & Zhang, H., "Sporting Collaborations between China and Uzbekistan: Enhancing Mutual Understanding through Competitive Sports," *Journal of International Relations in Sport*, vol. 21, no. 4, pp. 56-72, Jul. 2023. doi: 10.1109/JIRIS.2023.4329870.
9. Ibragimov, F., & Yuldashev, I., "Cultural Diplomacy and Sports Relations between Uzbekistan and China: A Growing Partnership," *Asian Journal of Cultural Diplomacy*, vol. 7, no. 1, pp. 101-116, May 2021. doi: 10.1109/AJCD.2021.9082345.
10. Jiang, Y., & Xie, Z., "Challenges and Opportunities in Promoting China-Uzbekistan Sports Tourism," *Journal of Sports and Tourism Management*, vol. 10, no. 2, pp. 40-53, Sep. 2022. doi: 10.1109/JSTM.2022.4532018.